

Dana 05.01.2018. godine u Sarajevu, zaključuje se

U G O V O R
**o vršenju usluga kolektivnog osiguranja uposlenika od posljedica nesretnog slučaja
-nezgode**

I z m e đ u

1. **KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem ulici Branilaca Sarajeva 28, 71000 Sarajevo, ID broj 4201424050008, koju zastupa Direktor mr. sci. Osman Delić (u daljem tekstu: OSIGURANIK)
2. „**BOSNA SUNCE OSIGURANJE**“ d.d. Sarajevo - Podružnica Sarajevo sa sjedištem u ulici Trg međunarodnog prijateljstva br. 20, 71 000 Sarajevo, ID broj 4200213140080, račun broj broj: 1541032000550132, otvoren kod Intesa SanPaolo banke d.d., koga zastupa direktor Alen Hujčić (u daljem tekstu: OSIGURAVAČ)

I PREDMET UGOVORA

Član 1.

Predmet ovog ugovora je pružanje usluga:

- kolektivnog osiguranja svih uposlenika - Osiguranika od posljedica nesretnog slučaja (nezgode) za vrijeme rada i u slobodno radno vrijeme, tokom 24 sata bez vremenskog i prostornog ograničenja ;
- kolektivno osiguranje uposlenika se vrši prema uslovima ponude Osiguravača od 28.12.2016. godine i odluke direktora.

II KOLEKTIVNO OSIGURANJE UPOSLENIKA

Član 2.

Osiguranje po ovom Ugovoru pokriva posljedice nesretnog slučaja- smrt usljed nezgode, smrt usljed bolesti, trajni invaliditet, bolnička naknada zbog nezgode, trošak liječenja osiguranika pojedinačno.

Osigurani slučaj podrazumjeva iznenadni, nepredviđeni i od volje osiguranika nezavisni događaj koji se desi u vrijeme rada i u slobodno radno vrijeme, tokom 24 sata bez vremenskog i prostornog ograničenja, tj. OSIGURAVAČ se obavezuje da će OSIGURANIKU isplatiti naknadu štete ako štetni događaj ima za posljedicu:

◆ Smrt uslijed nezgode	39.000,00 KM,
◆ Trajni Invaliditet	76.000,00 KM,
◆ Bolnička naknada zbog nezgode	10,00 KM,
◆ Troškovi liječenja	2.000,00 KM i
◆ Smrt usljed bolesti	5.000,00 KM.

Član 3.

OSIGURAVAČ se obavezuje da će korisniku osiguranja za ugovoreno kolektivno osiguranje, u skladu sa odredbama Općih i Dopunskih uvjeta za osiguranje lica od posljedica nesretnog slučaja (nezgode), Tablice za određivanje postotka trajnog invaliditeta kao posljedice nesretnog slučaja (nezgode) i Izmjene i dopune Općih uvjeta za osiguranje osoba od posljedica nesretnog slučaja (nezgode), isplatiti:

- Osigurane sume za slučaj smrti uslijed nezgode;
- Osigurane sume za slučaj smrti uslijed bolesti;
- Osigurane sume za slučaj trajnog invaliditeta;
- Osigurane sume za slučaj bolničke naknade zbog nezgode i
- Osigurane sume za troškove liječenja.

Opći i Dopunski uvjeti za osiguranje lica od posljedica nesretnog slučaja (nezgode) i Tablica za određivanje postotka trajnog invaliditeta kao posljedica nesretnog slučaja (nezgode) čine sastavni dio ovog ugovora.

Član 4.

Za kolektivno osiguranje uposlenika od posljedica nesretnog slučaja (nezgode) izdat će se polica o osiguranju u kojoj se navodi broj osiguranih osoba i iste čine sastavni dio ovog ugovora.

Broj osiguranih uposlenika OSIGURANIKA može biti promjenjiv. Ukoliko dođe do eventualnih promjena u istom OSIGURANIKU će OSIGURAVAČU prije početka mjeseca dostaviti spisak, što će predstavljati osnovicu za obračun premije osiguranja osoba za taj mjesec.

III PRAVA I OBAVEZE UGOVORNIH STRANA

Član 5.

OSIGURANIK se obavezuje da će::

- dostaviti odmah spisak uposlenika (brojno stanje);
- u slučaju nastupa osiguranog slučaja poduzeti sve mjere u okviru mogućnosti za zaštitu uposlenika;
- nakon nastupa osiguranog slučaja obavijestiti OSIGURAVAČA o istom, uz dostavu svih podataka kojima raspolaže, a koji se odnose na utvrđivanje uzroka osiguranog slučaja;
- ukoliko dođe do eventualnih promjena broja uposlenika, OSIGURANIK je dužan odmah OSIGURAVAČU dostaviti podatke o promjenama, na osnovu kojeg će se izdati faktura.

Član 6.

OSIGURAVAČ se obavezuje da će:

- na osnovu pripremljenih i dostavljenih spiskova izraditi i uručiti Policu osiguranja OSIGURANIKU;
- obavijestiti OSIGURANIKA o svim promjenama koje mogu uticati na uslove osiguranja uposlenika;

- isplatiti nastalu štetu ODMAH, a najkasnije u roku ne dužem od 24 (dvadesetčetiri) sata, od momenta kompletiranja dokumentacije potrebne za utvrđivanje pravne osnovanosti i visine odštetnih zahtjeva.

IV PREMIJA OSIGURANJA ZA KOLEKTIVNO OSIGURANJE

Član 7.

Ugovorena premija osiguranja iznosi mjesečno 6,00 KM odnosno, premija osiguranja na 12 mjeseci iznosi 72,00 KM po uposleniku.

V USLOVI I NAČIN PLAĆANJA

Član 8.

Plaćanje ugovorene premije osiguranja iz ovog Ugovora će se vršiti na sljedeći način:

- OSIGURAVAČ će OSIGURANIKU ispostaviti fakturu, u skladu sa izdatom policom osiguranja od nezgode do cjelokupnih iznosa osiguranja iz ovog ugovora;
- OSIGURANIK se obavezuje da ugovorenu premiju osiguranja do cjelokupnog iznosa plati u jednom „obroku“ najdalje u roku od 90 dana od dana ispostavljanja fakture.

VI OSTALE ODREDBE

Član 9.

Ovaj Ugovor se zaključuje na period da 12 mjeseci počev od **momenta zaljučivanja ugovora do 31.12.2017. godine**, te u navedenom periodu OSIGURAVAČ se obavezuje da će isplatiti sve nastale štete odmah.

Ukoliko se jedna od ugovorenih strana ne pridržava odredbi ovog ugovora, druga ugovorna strana ima pravo na raskid istog pismenim putem uz otkazni rok od 30 (trideset) dana.

Ugovorne strane saglasne su da će u slučaju otkaza dovršiti sve započete poslove odnosno, da će obraditi i isplatiti sve štete nastale u vremenskom periodu važenja ovog ugovora i izvršiti sve međusobne obaveze koje su nastale prije isteka ili otkaza Ugovora.

U cilju unapređenja poslovnih odnosa, tokom trajanja Ugovora ugovorene strane mogu odredbe ovog Ugovora mijenjati, dopuniti ili druge poslove regulirati sporazumno putem Aneksa ovog Ugovora, s tim da sve promjene proizvode pravni učinak ako su sklopljene u pismenom obliku i ovjerene od strane nadležnih predstavnika ugovornih strana.

Član 10.

Ugovorne strane su saglasne da sva eventualna sporna pitanja rješavaju sporazumno, a u slučaju spora nadležn je sud u Sarajevu.

Član 11.

Ovaj Ugovor sastavljen je u 4 (četiri) istovjetna primjerka od kojih svaka strana zadržava po 2 (dva).

Član 12.

Ovaj ugovor stupa na snagu danom potpisivanja ugovornih strana.

BOSNA SUNCE OSIGURANJE d.d.

Direktor


Alen Hujčić



**KANTONALNA JAVNA USTANOVA ZA
ZAŠTIĆENA PRIRODNA PODRUČJA**

Direktor

mr. sci. Osman Delić



Broj: 185338
Sarajevo, 02.01.2018. godine

Broj: 07-2-01-8/18
Sarajevo, 05.01.2018. godine